

I. DISPOSICIONES XERAIS

MINISTERIO DE UNIVERSIDADES

16147 Orde UNI/1191/2020, do 3 de decembro, pola que se modifica o anexo I do Real decreto 1312/2007, do 5 de outubro, polo que se establece a acreditación nacional para o acceso aos corpos docentes universitarios.

O Real decreto 1312/2007, do 5 de outubro, polo que se establece a acreditación nacional para o acceso aos corpos docentes universitarios, dispón que a valoración dos méritos e competencias no procedemento para obter a acreditación nacional será realizada por comisións designadas para o efecto polo Consello de Universidades, que dependerán administrativamente do departamento da Axencia Nacional de Avaliación da Calidade e Acreditación (en diante, ANACA) competente para a avaliación do profesorado e desfrutarán de autonomía para o exercicio das súas funcións.

Para iso, créase unha comisión para cada ámbito académico e científico resultante da agrupación de áreas de coñecemento afíns. En concreto, o Real decreto 415/2015, do 29 de maio, polo que se modifica o Real decreto 1312/2007, do 5 de outubro, polo que se establece a acreditación nacional para o acceso aos corpos docentes universitarios, incorpora un anexo I ao Real decreto 1312/2007, do 5 de outubro, no cal se recollen a denominación e as áreas de coñecemento asignadas ás comisións de acreditación.

A experiencia dos últimos anos de funcionamento do procedemento de acreditación nacional mostra un gran desequilibrio no número de expedientes que deben resolver as diferentes comisións. Así, por exemplo, a Comisión D15 sobre Ciencias Económicas e Empresariais debe resolver case cinco veces máis expedientes que as que menos carga teñen (B6 sobre Ciencias Biomédicas e E21 sobre Historia da Arte e Expresión Artística) e case duplica a seguinte en número de solicitudes (D16 sobre Ciencias da Educación). Sen dúbida, este desequilibrio está afectando a carga de traballo das comisións e o tempo de resolución dos expedientes, que se sitúa por riba dos doce meses.

Todo iso suscita a necesidade de modificar a estrutura e asignación de áreas de coñecemento das diferentes comisións e, en consecuencia, algunha das súas denominacións para facelas máis operativas e reflectir a carga real de traballo, en prol de garantir un procedemento áxil e, en definitiva, favorecer os solicitantes do procedemento de acreditación nacional.

Esta norma adecúase aos principios de boa regulación a que se refire o artigo 129 da Lei 39/2015, do 1 de outubro, do procedemento administrativo común das administracións públicas. Neste sentido, garántense os principios de necesidade e eficacia, posto que a norma resulta o instrumento máis indicado para os intereses que se perseguen, sendo o principal a modificación das denominacións das áreas de coñecemento das comisións de acreditación para lograr un servizo efectivo aos cidadáns no marco do procedemento para obter a acreditación nacional. Así mesmo, a norma é coherente co principio de proporcionalidade, xa que contén a regulación imprescindible para atender as necesidades que se pretenden cubrir; e co principio de seguridade xurídica, xa que é coherente co resto do ordenamento xurídico nacional. Igualmente, a norma é conforme cos principios de eficiencia, pois pretende garantir unha maior axilidade dos procedementos administrativos, de conformidade cos principios recollidos na Lei 40/2015, do 1 de outubro, de réxime xurídico do sector público; e de transparencia, ao se definir claramente o seu obxectivo e garantir a participación da ANACA na súa elaboración.

Esta orde dítase ao abeiro da habilitación prevista na disposición derradeira segunda do Real decreto 415/2015, do 29 de maio, polo que se modifica o Real decreto 1312/2007, do 5 de outubro, polo que se establece a acreditación nacional para o acceso aos corpos docentes universitarios, que habilita o titular do Ministerio de Educación, Cultura e Deporte, actual Ministerio de Universidades en virtude do Real decreto 431/2020, do 3 de marzo,

polo que se desenvolve a estrutura orgánica básica do Ministerio de Universidades, para modificar, mediante orde, a denominación e as áreas de coñecemento asignadas ás comisións de acreditación recollidas no anexo I, sempre que non se incremente o seu número.

Esta orde dítase ao abeiro do artigo 149.1.30.^a da Constitución española, relativo ás normas básicas para o desenvolvemento do artigo 27 da Constitución, co fin de garantir o cumprimento das obrigacións dos poderes públicos nesta materia.

Na súa virtude, e logo do informe favorable do Consello de Universidades, dispoño:

Artigo único. *Modificación do Real decreto 1312/2007, do 5 de outubro, polo que se establece a acreditación nacional para o acceso aos corpos docentes universitarios.*

O anexo I do Real decreto 1312/2007, do 5 de outubro, polo que se establece a acreditación nacional para o acceso aos corpos docentes universitarios, queda substituído polo que figura no anexo desta orde.

Disposición derradeira única. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 3 de decembro de 2020. O ministro de Universidades, Manuel Castells Oliván.

ANEXO

«ANEXO I

Comisións de acreditación e áreas de coñecemento asignadas a cada unha delas

A. Ciencias

A1. Matemáticas.

- 005. Álgebra.
- 015. Análise Matemática.
- 265. Estatística e Investigación Operativa.
- 440. Xeometría e Topoloxía.
- 595. Matemática Aplicada.

A2. Física.

- 038. Astronomía e Astrofísica.
- 400. Física da Terra, Astronomía e Astrofísica.
- 247. Electromagnetismo.
- 385. Física Aplicada.
- 390. Física Atómica Molecular e Nuclear.
- 395. Física da Materia Condensada.
- 398. Física da Terra.
- 405. Física Teórica.
- 647. Óptica.

A3. Química.

- 750. Química Analítica.
- 755. Química Física.
- 760. Química Inorgánica.
- 765. Química Orgánica.

A4. *Ciencias da Natureza.*

- 028. Antropoloxía Física.
- 063. Botánica.
- 120. Cristalografía e Mineraloxía.
- 220. Ecoloxía.
- 240. Edafoloxía e Química Agrícola.
- 280. Estratigrafía.
- 412. Fisioloxía Vexetal.
- 427. Xeodinámica Externa.
- 428. Xeodinámica Interna.
- 655. Paleontoloxía.
- 685. Petroloxía e Xeoquímica.
- 819. Zooloxía.

A5. *Bioloxía Celular e Molecular.*

- 050. Bioloxía Celular.
- 060. Bioquímica e Bioloxía Molecular.
- 420. Xenética.

B. *Ciencias da Saúde*

B6. *Ciencias Biomédicas.*

- 020. Anatomía Patolóxica.
- 025. Anatomía e Anatomía Patolóxica Comparadas.
- 027. Anatomía e Embrioloxía Humana.
- 410. Fisioloxía.
- 443. Histoloxía.
- 566. Inmunoloxía.
- 630. Microbioloxía.
- 660. Parasitoloxía.
- 807. Toxicoloxía.

B7. *Medicina Clínica e Especialidades Clínicas.*

- 090. Cirurxía.
- 183. Dermatoloxía.
- 275. Estomatoloxía.
- 610. Medicina.
- 613. Medicina Legal e Forense.
- 645. Obstetricia e Xinecoloxía.
- 646. Oftalmoloxía.
- 653. Otorrinolaringoloxía.
- 670. Pediatría.
- 745. Psiquiatría.
- 770. Radioloxía e Medicina Física.
- 817. Uroloxía.
- 830. Traumatoloxía e Ortopedia.

B8. *Especialidades sanitarias.*

- 255. Enfermaría.
- 413. Fisioterapia.
- 310. Farmacia e Tecnoloxía Farmacéutica.
- 315. Farmacoloxía.
- 640. Nutrición e Bromatoloxía.

- 615. Medicina Preventiva e Saúde Pública.
- 617. Medicina e Cirurxía Animal.
- 773. Sanidade Animal.

C. Enxeñaría e Arquitectura

C9. Enxeñaría Química, dos Materiais e do Medio Natural.

- 065. Ciencia dos Materiais e Enxeñaría Metalúrxica.
- 500. Enxeñaría Agroforestal.
- 550. Enxeñaría Nuclear.
- 555. Enxeñaría Química.
- 565. Enxeñaría Téxtil e Papeleira.
- 700. Producción Animal.
- 705. Producción Vexetal.
- 780. Tecnoloxía dos Alimentos.
- 790. Tecnoloxías do Ambiente.

C10. Enxeñaría Mecánica e da Navegación.

- 083. Ciencias e Técnicas da Navegación.
- 115. Construcións Navais.
- 495. Enxeñaría Aeroespacial.
- 515. Enxeñaría dos Procesos de Fabricación.
- 530. Enxeñaría e Infraestruturas dos Transportes.
- 540. Enxeñaría Hidráulica.
- 545. Enxeñaría Mecánica.
- 590. Máquinas e Motores Térmicos.
- 600. Mecánica de Fluídos.
- 605. Mecánica de Medios Continuos e Teoría de Estruturas.
- 720. Proxectos de Enxeñaría.

C11. Enxeñaría Eléctrica e de Telecomunicacións.

- 250. Electrónica.
- 520. Enxeñaría de Sistemas e Automática.
- 535. Enxeñaría Eléctrica.
- 560. Enxeñaría Telemática.
- 785. Tecnoloxía Electrónica.
- 800. Teoría do Sinal e Comunicacións.

C12. Enxeñaría Informática.

- 035. Arquitectura e Tecnoloxía de Computadores.
- 075. Ciencia da Computación e Intelixencia Artificial.
- 570. Linguaxes e Sistemas Informáticos.

C13. Arquitectura, Enxeñaría Civil, Construción e Urbanismo.

- 295. Explotación das Minas.
- 100. Composición Arquitectónica.
- 110. Construcións Arquitectónicas.
- 300. Expresión Gráfica Arquitectónica.
- 305. Expresión Gráfica na Enxeñaría.
- 505. Enxeñaría Cartográfica Xeodésica e Fotogrametría.
- 510. Enxeñaría da Construción.
- 525. Enxeñaría do Terreo.
- 710. Prospección e Investigación Mineira.

- 715. Proxectos Arquitectónicos.
- 815. Urbanística e Ordenación do Territorio.

D. Ciencias Sociais e Xurídicas

D14. *Dereito.*

- 125. Dereito Administrativo.
- 130. Dereito Civil.
- 135. Dereito Constitucional.
- 140. Dereito do Traballo e da Seguridade Social.
- 145. Dereito Eclesiástico de Estado.
- 150. Dereito Financeiro e Tributario.
- 155. Dereito Internacional Privado.
- 160. Dereito Internacional Público e Relacións Internacionais.
- 165. Dereito Mercantil.
- 170. Dereito Penal.
- 175. Dereito Procesual.
- 180. Dereito Romano.
- 381. Filosofía do Dereito.
- 470. Historia do Dereito e das Institucións.

D15. *Ciencias Económicas.*

- 225. Economía Aplicada.
- 235. Economía, Socioloxía e Política Agraria.
- 415. Fundamentos de Análise Económica.
- 480. Historia e Institucións Económicas.
- 623. Métodos Cuantitativos para a Economía e a Empresa.

D16. *Ciencias Empresariais.*

- 095. Comercialización e Investigación de Mercados.
- 230. Economía Financeira e Contabilidade.
- 650. Organización de Empresas.

D17. *Ciencias da Educación.*

- 187. Didáctica da Expresión Corporal.
- 189. Didáctica da Expresión Musical.
- 193. Didáctica da Expresión Plástica.
- 195. Didáctica da Lingua e Literatura.
- 200. Didáctica da Matemática.
- 205. Didáctica das Ciencias Experimentais.
- 210. Didáctica das Ciencias Sociais.
- 215. Didáctica e Organización Escolar.
- 245. Educación Física e Deportiva.
- 625. Métodos de Investigación e Diagnóstico en Educación.
- 805. Teoría e Historia da Educación.

D18. *Ciencias do Comportamento.*

- 620. Metodoloxía das Ciencias do Comportamento.
- 680. Personalidade, Avaliación e Tratamento Psicolóxico.
- 725. Psicobioloxía.
- 730. Psicoloxía Básica.
- 735. Psicoloxía Evolutiva e da Educación.
- 740. Psicoloxía Social.

- D19. *Ciencias Sociais.*
- 030. Antropoloxía Social.
- 040. Biblioteconomía e Documentación.
- 070. Ciencia Política e da Administración.
- 105. Comunicación Audiovisual e Publicidade.
- 383. Filosofía Moral.
- 475. Historia do Pensamento e dos Movementos Sociais e Políticos.
- 675. Xornalismo.
- 775. Socioloxía.
- 813. Traballo Social e Servizos Sociais.

E. Arte e Humanidades

- E20. *Historia, Filosofía e Arte.*
- 010. Análise Xeográfica Rexional.
- 033. Arqueoloxía.
- 085. Ciencias e Técnicas Historiográficas.
- 375. Filosofía.
- 430. Xeografía Física.
- 435. Xeografía Humana.
- 445. Historia Antiga.
- 450. Historia Contemporánea.
- 455. Historia de América.
- 460. Historia da Ciencia.
- 485. Historia Medieval.
- 490. Historia Moderna.
- 585. Lóxica e Filosofía da Ciencia.
- 695. Prehistoria.
- 185. Debuxo.
- 260. Escultura.
- 270. Estética e Teoría das Artes.
- 465. Historia da Arte.
- 635. Música.
- 690. Pintura.
- E21. *Filoloxía e Lingüística.*
- 285. Estudos Árabes e Islámicos.
- 568. Estudos de Asia Oriental.
- 290. Estudos Hebreos e Arameos.
- 320. Filoloxía Alemá.
- 325. Filoloxía Catalá.
- 327. Filoloxía Eslava.
- 335. Filoloxía Francesa.
- 340. Filoloxía Grega.
- 345. Filoloxía Inglesa.
- 350. Filoloxía Italiana.
- 355. Filoloxía Latina.
- 360. Filoloxía Románica.
- 365. Filoloxía Vasca.
- 370. Filoloxía Galega e Portuguesa.
- 567. Lingua Española.
- 575. Lingüística Xeral.
- 580. Lingüística Indoeuropea.
- 583. Literatura Española.
- 796. Teoría da Literatura e Literatura Comparada.
- 814. Tradución e Interpretación.»